


docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第二九六號

據
光緒三十三年
金蓉鏡纂輯
本
影印

湖 南 省

靖州鄉土志



2016/05

成文出版社有限公司印行



中華民國六十四年 月壹一版

靖州鄉土志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

光緒戊申八月刊竣板藏警務局

docsriver 文川网
入驻商家 古籍书城

在文川网搜索古籍书城 获取更多电子书

靖

志

州

四

鄉

卷

土

靖州鄉土志序

方志猶史也。古之史法，左史記動，爲春秋；右史記言，爲尙書。小史、奠繫爲世本，太師、陳詩爲國風，事別職，分各有所主，不相雜廁。秩然王國之文也。自馬遷、荆爲紀傳，而史例壞。六官萃於一書，記動而不必勸懲，記言而不必典要，記繫世藝文而不必敬宗辨物。大道既隱，官失其守，亦勢之無如何也。後之作者，不復知古，遂無醇史有見於曲，而無見於通；有見於人，而無見於天；有見於畸，而無見於道。故其書日多，而爲用日寡。章實齋氏思變之，其所修志事，依尙書一家如史記八書之例，而美言既罕，卒難孤立。世不遵之，今奉編譯館檄，令郡邑各

修鄉土志按目編輯書美不書惡記異不記同巨細駢
羅事非要最雖小加匡正仍無異曩之所譏因初爲人
表一格以領之又釋迦功用全在眼耳鼻舌身意六根
爲窮靈盡妙之原與鴻範五事論語四勿異出同歸究
其單密優入聖域變例書之使全書旨趣一衷大道不
加褒貶而若可褒貶不見設施而若可設施或於學者
身心提其綱領知此書不空作是則區區編定之義也
書成撮其機要序於篇首以待鴻筆之士正焉

光緒三十四年龍集戊申五月癸巳日秀水金蓉鏡書

靖州鄉土志目錄

卷首

例言 人表 輿圖

卷一

沿革 政績 兵事 耆舊

名宦祠 鄉賢祠 忠義祠 節孝祠

卷二

人類 戶口 氏族 實業

疆域 市鎮 古蹟 祠廟 坊表 橋梁

山水 道路

卷三

物產 動物

卷四

物產

植物

礦物

商務

村錄

纂輯官紳題名

知州金蓉鏡

學正劉世燾

訓導江昌言

紳士儲世鐸

黃漢信


申開科

龍均治

戈忠錄

校對

吏目易象蘊



靖州鄉土志例言

一地理沿革在史文統序於地理之首不別出標目方志往往孤立一目或爲表或爲攷因事立稱書各不同今書例目特標新名曰歷史惟全書名志而此獨稱史名例未符茲仍以沿革名之義衷質實無取新奇至飛山之辨爲移山渠江之卽爲楠溪義出初通別無師承識者審之

一古人圖史並重秦漢圖書悉隨計吏上供天府晉時

提封圖簿歲集司空

見華陽國志

唐五代時有閏年合送

圖經地圖之令

見五代會要

後漸廢閣然郡邑方志尙仍

其式今補出一圖以見廣輪之數而山水險要藉得

證明此圖經士紳考測又證以學正劉世壽宣講足
迹所至之地繪爲詳圖又於下鄉勘案之便執矩考
繪比對無訛一年始完庶資度地居民之用

一政績一門史文標目最繁州志別紀戎功若照例目
分爲三類一人淹有三事分載爲勞又武功忠節若
難銓序使隸兵事與他官之蒞兵者無別今賅載文
武統以年月爲次悉錄於此

一靖在崇甯以前悉屬土官不盡出於朝命楊再思以
唐末遺臣奉其正朔支柱一隅畧如吳越錢鏐而史
失其名通志州志均不爲立傳然廟祀徧辰永沅靖
非夫功德茂著何以及此且祖孫父子世掌州事譜

牒所記悉與史文相應事同世家若屬耆舊嫌於喧
奪茲將曾爲刺史者編入政績其子孫雖受朝命而
未爲刺史者始入耆舊以清斷限

一靖州兵事多出於苗明季擾攘尤爲衝途皆在本境
而他境涉及者史文志乘事實無幾不能分立今統
以年代爲次間有攷證別加增注

一人物唐以前無徵樸成教授鶴山講肄始有文物耳
言州志詳今而畧古茲於宋明兩代雖小善必書他
有攷證必增及之

國朝醜化所被才彥亦增若依州志該載則蕪累非體
節刪又挂漏可虞仿華陽士女之例專傳之外散列

一曰附於耆舊之末注明出州志某傳以存梗概他如何裕城見於總河事輯糜奇瑜見於樞垣紀畧楊玉科龍懷蔚李成謀皆致身專閩以寄寓他籍事實不脩茲亦姑闕

一靖之民族出於從軍世職或來自謫籍均有本末可言仿新唐書宰相世系表序例詳著始遷兼載官位其有別出之系依元和姓纂例統序於一氏之下跳行書之間及行能以補耆舊所未及

一採摭古事悉標原書高氏刻錄可爲前馬事非作者存以徵信人類道路物產商業全資新纂與學正劄世勗再三審定始著於篇虛美之譏庶幾免爾

人表

人道之大經緯三才辯章萬物聖至於炎黃狂至於桀跖判於幾希之心萬法是非皆出於心未有心不正而能立法守法者國於五洲競爭之世優劣顯判勝負殊焉故特援班固人表載山人譜之例畫分九等以究用心敬肆登之卷首令入學之初即識人品差等有如是之不齊其初固未嘗有不善也並令知此書十四目皆吾人心理所鎔裁降爲上理汚則叔季地無定形物無定勢其盛衰之故豈不視乎人哉作人表

聖一賢一儒

士

農

工

商

役

盜

表

內經上古天真者注賢者言通天地人賈子守道者謂風俗遠則壽夭效工記審曲回周禮市注通莊子役人之役盜竊也荀子私
 論曰上古有聖之名賈子遠曰儒風禮注儀之士白虎通通下之本漢食貨勢以飭五材以物曰商食貨通傳云亡國與後謂之盜新序取
 人者提挈天地循行道者謂之有六藝以教民古今辨然不謂志歸士殖穀曰耕民稼穡之百通財穀實曰商虞舜子禹九人之言而冀其
 把持陰陽中古賢者虎通倍英者稱文儒之言之士漢食貨志農
 之註有至人者曰賢
 儉也初也能安學以居在曰士
 人能服人也
 陰陽其次有聖
 人者處天地之
 和交八氣之運
 適通於世俗
 之謂無素項之
 心莊子內篇亦
 言至人無已神
 人無功聖人無
 名以三等論聖
 三代後人品日
 下聖法絕義載
 經處有其格而
 無其人茲并為
 一格大戴禮曰
 所謂聖人者紀
 通乎大道

儉也初也能安學以居在曰士
 人能服人也

工燕禮注凡執
 執善者稱工食
 貨志云作巧成
 器曰工

據此指塵而使身遊也雜貨自
 則厥後者至聖盜殺大夫謂
 噬若咄則社隸之盜
 之人至

docsriver 文川网
入驻商家 古籍书城

在文川网搜索古籍书城 获取更多电子书

帝三王四國主卷兩庶諸儒諸史名臣康衢之民公輸子 弦 高 葉 曰 披 築 賦

周公孔子 循吏儒林 諸史貨殖孔光 諸史僧

釋迦文 諸史文苑 諸史依律狂臣

方技

證人六事功課

過格

百僚聞唐以體獨 二曰卜動念以知幾 二曰後過獨知主之

三曰謹威儀以定命 四曰救大倫以凝命 二曰隱過七情主之

五曰備百行以孝旋 六曰遷善改過以作聖 三曰顯過九容主之

四曰大過五倫主之

五曰叢過百行主之

六曰成過為眾臨門以克念終焉

表

二

應用書目

朱子小學 近思錄 陳文恭公五種遺規 蔣大始先生人範

大藏治病藥 雲棲功過格

靖州鄉土志卷一

賜進士出身前工部屯田司主事軍機處行走任候

補府靖州直隸州知州金蓉鏡輯

志沿革

州境始置

宋史地理志熙寧九年收復唐溪洞

誠州

宋史熙寧始務闢土謝景温取徽誠蠻夷傳熙寧八年楊光富率族姓二十三州峒

歸州方輿紀要云章愔平南江州洞進兵誠徽州蠻酋楊氏以二十三州洞歸附崇寧

二年改為靖州紀要云崇寧二年蔡京使舒亶知荆南開拓境土亶奏誠徽州

楊晟臻等納土改置靖州志同宋史崇寧後又有楊再立納土輸貢之事

未置以前

州志云唐虞夏商為荊州西南要服

宋史蠻夷傳云唐虞為要服周成王時封熊繹於楚為黔中

地史記秦昭王使白起伐楚始置黔中郡漢屬武陵郡鍾成縣要

云漢屬武陵三國時隸蜀晉仍為荆州武陵鍾

成縣水經浪水注晉義熙中改鍾成為無陽縣

之無陽實包有會同綏靖之地南北朝宋分

荆州之地為四州屬郢州沅陵舞陽之交歷齊

梁陳及隋置沅陵郡易舞陽為龍標唐為黔中

道紀要云州境唐敘州之地元史靖州五代之

際湖南馬氏有其地明一統志云楚馬氏時飛

孫掠武岡命呂師周討之斬全感九國志呂師

周乾化中破飛山唐湘故事呂師周斬潘全

師昌益一時投歸馬氏後周節度周行逢死

敘州刺史鍾存志奔武陽楊氏乃以十崗稱誠

徽二州

此本文獻通考語紀要云後周時楊正巖以十尚稱徽誠二州宋史則云涪化

二年其刺史楊正巖來貢按楊氏家譜再思子

正巖正巖子通寶通壘其人五代宋初州志

涪化間知州事楊通壘可訂史誤

宋太平興國五年土人楊通

寶入貢命為誠州刺史宋史太平興國四年首

楊通寶為刺史是時楊氏弟兄相繼歸州文獻

通考繫之崇甯九年誤按楊氏譜光富通寶之

子即熙甯歸州之人通寶曾孫楊感秦

疑即崇甯納土之楊晟臻詳見氏族

既置以後 宋史地理志元豐三年以沅州之貫

保砦為渠陽縣隸州宋史云謝景溫議如關杞

議徙誠州元祐二年廢為渠陽軍州志元祐元

治渠陽年知渠陽軍胡田

三年廢軍為砦屬沅州五

年復以渠陽砦為誠州崇甯二年改為靖州州志

大宅副使 隸荆湖北路領縣三永平會同通道

陶達任 州志云靖州之名始此 元史至元十二年置安撫司明年

改靖州總管府是為靖州路領縣如故隸湖廣

行中書省 達議帖陸傳至正九年罷靖州路總管府改立靖州軍民安撫司設萬戶

府紀要云元升靖州路後降為州 屬沅州見明一統志元史不載 明史太祖乙

巳年置靖州安撫軍民司元年降為州三年升

為府四月復降為州 紀要云九年降為州州志職官洪武三年有知府王

尚 以永平縣省入直隸湖廣布政司領縣四會

同綏甯通道天柱

國朝順治四年入版圖 州志參將柳如金四年任湖南通志順治初林爾張

知靖 州 十八年裁靖州衛雍正四年撥五開銅鼓

二衛隸貴州十年撥天柱縣隸鎮遠乾隆三年
以城步來隸六年仍還寶慶今領縣三會同通
道綏甯

志政績

唐五代

楊再思唐昭宗朝由淮南丞遷辰州長史結營靖州飛
山與李克用同受昭宗絹詔徵兵道長梗阻眾奉爲
誠州刺史威名日著稱令公焉奉唐正朔卒於後周
顯德四年宋開寶中追封英惠侯子十二受土分鎮
滇黔胡長新楊再思墓表子正巖於後周時以十崗稱誠州刺
史方輿紀要州志清化元年楊靖州宋初楊氏居
正巖納土貢有蜀馬錦綉犀角

之號十崗首領以其族姓散掌州崗太平興國四年

楊蘊文獻通考始丙圻五年楊通寶始命為誠州刺

史正巖子通盪繼知州事宋史其後熙甯中楊光富率

二十三州崗歸圻崇甯中楊晟臻等納土改置靖州

楊再立納土輸貢皆其子孫云楊氏譜鈔載張浚詩

英靈自劍強胡超羣軼類真王佐千古流傳茂扶

夫張浚宣撫湖廣時聲聞相接或親見楊氏譜牒如

果勇侯所言故以忠義扶帝業推之又靖之苗寨有

唐款唐保帝廟等名皆以唐為稱各寨皆立飛山廟

亦再思當日奉唐正朔之證飛山舊有延壽寺唐鍾

通寶而追溯言之今猶每歲六月作太

宋 公會椎牛釀酒遺澤入人之深如是

楊通寶正巖子再思孫楊氏家譜美丰儀嫻詞令宋太平興

國二年納款京師太宗召見以爲賢仍授誠州刺史

龍極亭二侯祠
記宋史作五年

周仕隆元祐元年知誠州撫納溪洞一千三百餘戶

賜銀帛宋史州至廣西融縣古無通途仕隆始遣人由

收溪小徑趣廣西觀山川形勢紀要

樸成宋潭州長史楊光潛與其子曰儼請於其宅建學

舍求名士教子弟乃遣樸成爲徽誠州教授楊氏多

世官其曾孫中立成進士爲此邦文教之祖舊志

朱希顏知永平縣民懷其惠爲立祠明一統志隆志

劉渡開封人紹興中以武功大夫知靖州撫善良去奸

慝州人翕然信服渠陽舊爲菱舍板屋雖官居帑庾



亦然漢與通守王某進士陳大有集四方樂輸之金
營造一新聚材於場募工於市遂甃州之通衢七

百餘丈行者免崎嶇沮洳之苦

汪藻靖州營造記

邢遷淳熙三年以宣義郎知靖州州志中洞賊姚民敖作

亂郡守邢遷益兵守西樓進擣中洞覆其巢略大小

汶川遷取桃溪堡獠獍懾服

方輿紀要

陳又乾道八年知貴州上言臣前知靖州時居蠻夷腹
心民不服役田不輸賦其地似若可棄然爲重湖二
廣保障實南服之要區也或控制失宜或金穀不繼
或兵甲少振蠻獠則乘時竊發勤勞王師朝廷當重

守臣之選

宋史蠻夷傳

蕭燧字照隣臨江軍人紹興三十二年授靖州教授

宗初除諸王宮大小學教授輪對論官當擇人不當

為人擇官上喜消熙間除左司諫後為參政宋史

廖遂消熙三年姚民放之亂刑獄使者行郡表省教授

七年郡牧延平廖遂請修廢官以崇化美俗乃以

三衢祝禹圭繇是為守者嗣修勿怠廟室廬館田租

府實視舊有加魏了翁教
授題名記

孫顯祖磁州人消熙中知靖州修學宮備器械整官舍

至於倉庫場務犴獄之屬修葺一百餘間悉覆以瓦

又出已俸葺飛山神祠謝錫飛山
神祠記後任延安府著有

靖州圖志唐志

張先之字子益天台人清熙興學教官名氏尙有未識

先之始至乃大書深刻完此闕典

魏了翁教授題名記

李誦靖州教授著有受降臺記

州志

黃榮字肅父紹興進士昭武人嘉定八年來佐州

一統志作

開禧九年以朝奉郎知靖州今從舊志碑記

奉詔權郡守治最轉聞擢爲

真榮慨然憫其俗思有以開導振起之因武岡有新學孫牧嘗倣行之而餽餽艱匱教化不行榮乃預代他司錢五十萬爲博易經年其息溢於本乃以其本反之而括其贏因其狀以白諸臺憲時提學吳是之復下俸廳歲撥邊錢十萬以助議定即相地於郡庠之西建作新書院既成以春正月率吏士及鄉峒子

docsriver 文川网
入驻商家 古籍书城

在文川网搜索古籍书城 获取更多电子书

弟行釋菜禮講明義理拔引多人時永平縣令鍾興

爲之記舊志論事有風節爲政知先務嘗建作新書院

以講學一統志

趙希麟宋景定二年以宣教郎奉命征苗陣亡祀爲神

旗將軍州志忠義

許成之嘉定十三年知靖州有惠政明一統志唐志

張起巖通判靖州德祐元年四月元兵破沙市城荆湖

北路相繼皆下起巖提兵保飛山七日路鈐劉用諤

兵入靖州知州康玉劫之起巖入殺玉復靖州八月

加起巖大府寺丞知靖州劉用以下立功人各轉官

有差宋史瀛國公

宋史薛弼傳桃源劇盜伍俊招安復叛提點刑獄
万俟卨不能制乃以委弼弼許俊以靖州俊喜曰
我得靖州還桃源遠
矣後至州漸以馴
宋史趙不意傳錄靖州獄辯出寃者數十百人靖
人德之繪其像以祠趙不意伍俊非靖官以有利
害於靖州
志於此

元

李燾會同舉人任本州判官有政聲

唐志

明

王尙文洪武初知靖州撫平蠻獠遠近嚮化

楚紀

蘇恣懷集舉人正統中知靖州歲饑振貸民民賴全活

景泰初苗亂率民力戰死之

一統志

當苗寇會同指揮

陳俊戰死賊勢益熾恣躬率民兵屢戰屢勝後以寇